

**ZAVOD ZA JAVNO ZDRAVSTVO
TUZLANSKOG KANTONA**

Broj: 07-153-19/22

Datum: 19.12.2022. godine

Na osnovu člana 70. Zakona o javnim nabavkama Bosne i Hercegovine („Službeni glasnik BiH“ broj 39/14, 59/22) direktor Zavoda donosi

O D L U K U

**o izboru najpovoljnijeg ponuđača u predmetu javne nabavke
usluga održavanja softvera za integraciju poslovanja**

I

Prihvata se preporuka Komisije za javne nabavke broj 07-153-18/22 od 16.12.2022. godine i Ugovor o javnoj nabavci usluga održavanja softvera za integraciju poslovanja za potrebe Ugovornog organa dodjeljuje se ponuđaču Imel d.o.o. Lukavac sa ukupnom cijenom ponude od 11.320,63 KM sa uračunatim PDV-om kao najpovoljnijem ponuđaču.

II

Ugovor o nabavci iz prethodnog člana ponudiće se izabranom ponuđaču u roku od 5 dana od dana dostavljanja ove Odluke.

III

Odluka stupa na snagu danom donošenja.

O b r a z l o ž e n j e

U skladu sa Odlukom o javnoj nabavci usluga održavanja softvera za integraciju broj 02-1080-1/22 od 30.11.2022. godine pokrenut je postupak javne nabavke usluga održavanja softvera za integraciju poslovanja putem pregovaračkog postupka bez objave obavještenja, broj 07-153-2/22 od 02.12.2022. godine, shodno članu 21. stav (1) tačka c) Zakona o javnim nabavkama („Službeni glasnik BiH“ 39/14, 59/22) (u daljem tekstu: Zakon).

Shodno članu 21. stav (1) tačka c) Zakona, Ugovorni organ je, uputio poziv za učešće kandidatu Imel d.o.o. Lukavac, a u skladu sa članom 28. stav (4) objavio tendersku dokumentaciju na svojoj internetskoj stranici.

Na poziv za učestvovanje u pregovaračkom postupku bez objave obavještenja u postupku javne nabavke usluga održavanja softvera za integraciju poslovanja, prijavio se jedan kandidat: Imel d.o.o. Lukavac. Shodno Zapisniku o ishodu kvalificiranosti kandidata broj 07-153-6/22 od 09.12.2022. godine, Komisija je konstatovala da kandidat Imel d.o.o. Lukavac ispunjava sve kvalifikacione uslove, na osnovu čega je navedenom ponuđaču upućen poziv za dostavljanje početne ponude broj 07-153-7/22 od 09.12.2022. godine sa rokom za dostavu iste do 13.12.2022. godine do 12:00 sati. Pregovaranje je zakazano za isti dan, 13.12.2022. godine sa početkom u 12:15 sati.

Ponuđač Imel d.o.o. Lukavac je dostavio početnu ponudu dana 13.12.2022. godine u 10:40 sati. Komisija je konstatovala da početna ponuda Imel d.o.o. Lukavac blagovremena, ispravno zapečaćena i pristupila otvaranju iste i konstatovala da je ponuda dostavljena u ukupnom iznosu od 9.675,75 KM bez PDV-a, sa uračunatim popustom od 509,25 KM odnosno 11.320,63 KM sa PDV-om. Komisija je zatim konstatovala da je ista kvalitetna i da ispunjava

sve uslove iz tenderske dokumentacije, te je pozvala predstavnika ponuđača na pregovaranje o bitnim uslovima ugovora.

Na pregovorima je prisustvovao predstavnik ponuđača Imel d.o.o. Lukavac, Junuzović Sead, po punomoći broj E-04-04.19-8481/22 od 12.12.2022. godine (07-153-11/12 od 13.12.2022. godine).

Na upit Komisije za eventualno smanjenje cijene predmeta nabavke, Komisija je dobila obrazloženje da je ponuđač u ponudi iskazao popust u iznosu od 509,25 KM bez PDV-a te ukupna ponuda od 9.675,75 KM bez PDV-a, odnosno 11.320,63 KM sa PDV-om predstavlja konačnu ponudu.

Komisija je konstatovala da je ponuđač Imel d.o.o. Lukavac uz početnu ponudu dostavio i dokaze o ispunjavanju uslova po datoj izjavi o ispunjavanju uslova po članu 45. Zakona o javnim nabavkama BiH („Službeni glasnik BiH“, broj 39/14, 59/22).


Nakon pregovora Komisija je uputila poziv Imel d.o.o. Lukavac za dostavljanje konačne ponude koju je isti dostavio u roku. Komisija je konstatovala da konačna ponuda ponuđača Imel d.o.o. Lukavac u ukupnom iznosu od 9.675,75 KM bez PDV-a, odnosno 11.320,63 KM sa PDV-om ispunjava sve uslove postavljene tenderskom dokumentacijom i predložila da se ista prihvati, te je donešena odluka kao u dispozitivu.

Pouka o pravnom lijeku:

Protiv ove Odluke može se izjaviti žalba Ugovornom organu Zavodu za javno zdravstvo Tuzlanskog kantona u roku od 30 dana od dana objave obavještenja o dodjeli ugovora.

DIREKTOR

Sarihodžić dr Majda, spec. socijalne medicine
MA menadžmenta



Dostaviti:

1. Ponuđaču
2. a/a